

摘藻堂四庫全書薈要

子部

欽定四庫全書薈要

子部

御纂醫宗金鑑卷七十一

詳校官主事臣陳本



欽定四庫全書薈要

御纂醫宗金鑑卷七十一

編輯外科心法要訣目錄

經部
三
里發

腓膈發

黃鯁癰

青蛇毒

接骨發

附陰疽

內踝疽

外踝疽

穿踝疽

濕毒流注

附瓜藤經

腎氣遊風

臙瘡

鰓漏

四彎風

風疽

足部

足發背

湧泉疽

脫疽

敦疽

甲疽

足跟疽

厲癰

四淫

臭田螺

牛程躑

土栗

冷疔

脚氣瘡

田螺炮

肉刺

欽定四庫全書會要卷一萬五百二十五子部

御纂醫宗金鑑卷七十一

編輯外科心法要訣

三里發生膝眼下三寸初如牛眼其色青黑左右皆同

三里發圖



脛部


三里發

三里發腫牛眼形膝眼之下冷痛凝勞力傷筋兼胃熱
腫色青黑紫血膿

註

此證生膝眼下三寸外側前廉兩筋間初腫形如
牛眼拘急冷疼由勞力傷筋胃熱凝結而成漸增
腫痛其色青黑潰出紫血次出稀膿內外治法俱
按癰疽腫瘍潰瘍門

腓 肭 癸 圖



腓肭發生腿肚正中左右皆同

腓肭發

腓肭發在小腿肚憎寒煩躁積熱成焮腫痛潰膿血吉
漫腫平塌清水凶

註

此證發於腓肭即小腿肚也由腎水不足膀胱積
熱凝結而成古方云不治若焮赤高腫疼痛潰出
正膿而兼血者吉為順或漫腫平塌紫暗舉痛潰
出清水者凶為逆初服仙方活命飲潰服八珍湯
氣血虛者服十全大補湯下虛者以桂附地黃丸

補之外治法同癰疽潰瘍門

仙方活命飲

見腫瘍門

八珍湯

十全大補湯

俱見潰瘍門

桂附地黃丸

見面部頰瘍



黃 鯀 癰 圖



黃鯀癰生腿肚裏側長數寸紅腫形如泥鯀左右皆同

黃鰵癰

黃鰵癰生腿肚旁疼痛硬腫若鰵長肝脾濕熱微紅色
順出稠膿逆敗漿

註此證生在小腿肚裏側疼痛硬腫長有數寸形如

泥鰵其色微紅由肝脾二經濕熱凝結而成應期
潰破出稠膿者為順若出污水敗漿者屬逆初服
五香流氣飲其次內外治法俱按癰疽腫瘍潰瘍

門

五香流氣飲

金銀花 二兩

小茴香

僵蠶 炒

羌活

獨活

連翹 去心

桔萸仁 各一兩五錢

藿香 五錢

丁香 二錢

木香

沉香

甘草 各一錢

分為十劑水煎隨病上下服

方歌五香流氣治黃鰓流注結核也能瘳丁木苗沉殭

藿草銀花羌獨翹枯蔓

青蛇毒圖



青蛇毒生臍肚之下長三寸結腫紫塊頭大尾細左右皆同

青蛇毒

青蛇毒生腿肚下形長三寸紫塊殭腎與膀胱濕熱結
急鍼蛇頭血出良

註此證又名青蛇便生於小腿肚之下形長二三寸

結腫紫塊殭硬憎寒壯熱大痛不食由腎經素虛
膀胱濕熱下注而成蛇頭向下者毒輕而淺急刺
蛇頭一半寸出紫黑血隨鍼孔捺拔疔散外敷離
宮錠內服仙方活命飲加黃蘗牛膝木瓜亦有蛇

頭向上者毒深而惡急刺蛇頭一二寸出紫黑血
鍼孔用白降丹細條插入五六分外貼巴膏餘腫
敷太乙紫金錠內服麥靈丹俟毒減退次服仙方
活命飲調和之若毒入腹嘔吐腹脹神昏脈躁俱
為逆證

拔疔散

見齒部
牙疔

離宮錠

仙方活命飲

麥靈丹

俱見腫
瘍門

白降丹

巴膏

俱見潰
瘍門

太乙紫金錠

見胸部
脾發疽

接骨發圖



接骨藥生膠骨之下足後跟相接處初如胡桃腫外物打碰腫之狀兩足皆同

接骨發

接骨發如核桃形腿肚之下硬脹疼色紅漫腫宜速潰
遲損筋脈缺踵行

註此證生於腿肚之下接骨之上脛骨與足後跟骨
相接處故名接骨發屬膀胱經濕熱凝結而成初
如核桃其硬如物打磕確之狀急脹微疼色紅漫
腫膿宜速潰遲則膿毒損筋筋脈既傷腿缺踵行
踵行者不能全足踐地惟恃足指着力而行也始

終內外俱按癰疽腫瘍潰瘍門

附陰疽圖

附陰疽生內踝之上三寸紅腫如雞卵左右皆同



附陰疽

附陰疽發內踝上初如紅粟日增疼堅硬赤腫漸如卵
三陰交會濕熱凝

註

此證生於內踝骨之上三寸初如紅粟疼痛日增
堅硬赤腫漸如鷄卵係三陰交會濕熱積聚而成
始終內外治法俱按癰疽腫瘍潰瘍門但三陰交
係純陰之穴收斂遲緩調養不可不慎

內踝疽外踝疽圖



二疽堅硬漫腫不紅

內踝疽

外踝疽

內踝疽 外踝疽

內外踝疽濕寒成血澁氣滯阻於經三陽外側三陰裏
初用宣通蒜灸靈

註此二證生兩足踝近腕之處在內踝者名走緩又

名鞋帶疽在外踝者名脚拐毒蓋內踝骨屬三陰
經脈絡也外踝骨屬三陽經脈絡也俱由濕寒下
注血澀氣阻而成其堅硬漫腫皮色不變時時隱
痛難於行立者初服瘡科流氣飲加牛膝木瓜防

已以宣通之外用蒜片灸法以消之發三陰經者服內托黃耆湯發三陽經者服內托羌活湯若虛弱將欲作膿跳痛無時者俱服十全大補湯外敷烏龍膏其腫潰治法俱按癰疽腫瘍潰瘍門

瘡科流氣飲

見背部痰注發

內托黃耆湯

見股部附骨疽

內托羌活湯

見臀部上馬癰

十全大補湯

見潰瘍門

烏龍膏

見腫
瘍門

穿 踝 疽 圖



穿踝疽係裏外踝骨通腫不紅

穿踝疽

穿踝疽由脾濕寒裏發串外踝骨間有頭屬陽陰悶腫潰出清水廢疾纏

註

此證由脾經濕寒下注血澀氣阻而成先從裏踝骨發起串及外踝致令裏外通腫以有頭為陽易破若惟悶腫無頭為陰難潰其證初起寒熱往來有紅暈兼有熱也宜服荊防敗毒散皮色不變者服萬靈丹其餘腫潰治法俱同內外二踝疽若潰

出清水或投方不應纏綿日久者必成廢疾難治

荊防敗毒散

見項部
腦疽

萬靈丹

見腫
瘍門

濕毒流注圖

小藤纏係遠腰而生



濕毒流注生脛骨二個者是也

二證初如牛眼次則漫腫色紫者輕黑者重左右同

濕毒流注

附瓜藤經

濕毒流注腿脛生頂如牛眼漫腫形紫輕黑重膿水漬
寒濕暑熱在腠凝

註

此證生於腿脛流行不定或發一二處瘡頂形似
牛眼根脚漫腫輕則色紫重則色黑潰破膿水浸
漬好肉破爛日久不斂由暴風疾雨寒濕暑火侵
在腠理而肌肉為病也初覺急服防風通聖散加
木瓜牛膝防已蒼朮消之若腿脛至晚發熱者宜

服當歸拈痛湯加牛膝外治初搽三妙散腫痛全
消換搽輕粉散斂之即効若遠脰而發即名瓜藤
纏結核數枚日久腫痛腐爛不已亦屬濕熱下注
而成治法同前

輕粉散

輕粉 一錢五分

黃丹

黃藥

密陀僧

高末茶

乳香 各三錢

麝香 五分

共研末先用葱熬湯洗患處再搽此藥

方歌輕粉黃丹藥陀僧末茶乳麝共研成濕毒流注膿

瘡證化腐除濕又止疼

防風通聖散

見頭部
禿瘡

當歸拈痛湯

見股部
腿遊風

三妙散

見腹部
臍癰

腎氣遊風圖



腎氣遊風生於腿脛腫暈如雲片

腎氣遊風

腎氣遊風腿肚生紅腫如雲火烘疼證由腎火蘊於內
膀胱氣滯外受風

註此證多生於腎虛之人腿肚紅腫形如雲片遊走
不定痛如火烘由腎火內蘊外受風邪膀胱氣滯
而成也初服紫蘇流氣飲次服檳榔丸外用豆腐
研調黃藥末貼敷之甚效

紫蘇流氣飲

紫蘇

黃蘗

木瓜

檳榔

香附

陳皮

川芎

厚朴

薑炒

白芷

蒼朮

米泔水浸炒

烏藥

荊芥

防風

甘草

獨活

枳殼
麩炒

等分薑三片棗一枚水煎服

方歌紫蘇流氣藥瓜榔香附陳芎厚芷蒼烏藥荊防甘

獨枳腎氣遊風服最良

檳榔丸

檳榔

枳殼 各二兩
麩炒

木瓜 一兩五錢

木香 一兩


大黃 四兩

共研細末煉蜜為丸如梧桐子大每服三十九空

心白滾湯送下黃酒送下亦可

方檳榔枳殼木瓜研木香大黃煉蜜丸腎氣遊風紅
歌腫痛空心水送自然痊

圖 瘡 癰



癰瘡生兩腿脛之裏外廉骨

臙瘡

臙瘡當分內外廉外廉易治內難痊外屬三陽濕熱結
內屬三陰虛熱纏法宜搜風除濕熱外貼三香夾紙錢
註此證生在兩脛內外廉骨外廉屬足三陽經濕熱

結聚早治易於見效內廉屬三陰有濕兼血分虛
熱而成更兼廉骨皮肉澆薄難得見效極其綿纏
初發先癢後痛紅腫成片破津紫水新起宜貼三
香膏色紫貼夾紙膏日久瘡色紫黑貼解毒紫金

膏又年久頑癰瘡皮烏黑下陷臭穢不堪者用蜈蚣錢法去風毒化癰腐蓋貼黃蠟膏漸效初服黃耆丸日久者服四生丸下元虛冷者宜虎潛丸常服甚效但腿脛在至陰之下生瘡者當戒勞動發物其證可愈否則難痊

三香膏

輕粉

乳香

松香 各等分

共為末香油調稠用夾紙一面以鍼密刺細孔將藥夾搽紙內先以葱湯洗淨患處將藥紙有鍼孔一面對瘡貼之三日一換

方歌三香輕粉乳松香研末油調紙內藏葱湯洗患方

貼藥初起膿瘡用此良

夾紙膏

黃丹

炒

輕粉

兒茶

沒藥

雄黃

血竭

五倍子

炒

銀朱

枯礬

各等分

共為末量瘡大小剪油紙二張夾藥於內紙周圍
用麵糊粘住紙上用鍼刺孔先將瘡口用葱椒煎
湯洗淨拭乾然後貼上以帛縛之三日一洗再換
新藥貼之

方夾紙膏貼臙瘡破黃丹輕粉兒茶沒雄黃竭倍銀

朱礬油紙夾貼腐可脫

解毒紫金膏

明淨松香

皂礬

各一觔
煨赤

共研極細末香油調稠先用葱艾甘草煎湯洗淨
患處再搽此藥油紙蓋住以軟布紮緊三日一換
此藥又治楊梅結毒腐爛作臭膿水淋漓用之甚
效

方歌解毒紫金膿瘡爛明淨松香皂礬煨二味研末香

油調葱艾草湯先洗患

蜈蚣錢

蜈蚣

甘草

獨活

白芷 各一錢

桐油二兩將藥煎滾先以米泔水洗淨賺瘡水和
白麵作團圍在瘡之四邊勿令洩氣將腿放平以
茶匙挑油漸漸成熟加滿待油溫取下已後風毒
自散腐肉漸脫其功甚速

方蜈蚣錢治久膿瘡皮黑下陷臭難當桐油煎草獨

活芷白麵圈瘡油燙強

黃蠟膏

血竭

赤石脂
煨

龍骨

各三錢
煨

共為細末香油一兩入血餘栗子大一團燂枯去
渣再入黃蠟一兩白膠香三錢溶化盡離火下血
竭等末攪勻候冷磁罐盛之用時挽作薄片貼瘡

上絹帛縛定三日後翻過貼之

方歌

黃蠟血餘竭白膠石脂龍骨入油調蜈蚣錢後此膏蓋肌肉能生痛自消

黃耆丸

黃耆

川烏頭

炮去皮弦

赤小豆

蒺藜

炒去刺

地龍

去土炒

川棟子

鹽水泡去核

茴香

炒

防風

各一兩

烏藥 五錢

右為細末酒煮麪糊為丸如梧桐子大每服十五
丸空心溫酒送下鹽湯亦可婦人用醋煎滾候溫
送下

方歌黃耆丸治臙瘡起川烏赤豆共蒺藜地龍川棟茴

香炒防風烏藥酒糊宜

四生丸

地龍

去土炒

白附子

殭蠶

炒

草烏

去皮尖炮

五靈脂

各等分

右為細末米糊為丸如梧桐子大每服三四十丸

食前茶酒任下

方歌

四生腫瘡久纏綿骨節多疼舉動難地龍白附殭

蠶妙草烏靈脂米糊丸

虎潛丸

敗龜板

四兩
酥炙

知母

黃蘗

二味鹽酒炒

熟地

各三兩

牛膝

酒蒸

白芍

酒炒

陳皮

各二兩
鹽水潤

瑣陽

酒潤

當歸

各一兩五錢
酒洗

虎脰骨

一兩
酥炙

共研末羯羊肉酒煮爛搗膏和入藥末內為丸如


梧桐子大每服三錢空心淡鹽湯送下冬月加乾

薑一兩

方歌
虎潛丸療筋骨痿下元虛冷精血虧龜板瑣陽膝

虎脰知藥芍陳熟地歸

鯨漏圖



鯨漏瘡腿肚形如濕瘡破爛中有孔數處添如鑽眼兩腿皆同

鰓漏

鰓漏生在腿肚間孔如鑽眼津水綿頗類濕瘡濕熱發
艾湯薰洗覺癢痊

註

此證由濕熱而成初起頗類濕瘡生於腿肚癢痛
相兼破津黃水綿綿不已其孔深如鑽眼復受寒
氣侵入瘡孔以致口寒肌冷法宜艾葉老葱熬湯
每日先薰後洗瘡口發熱覺癢時即貼黃蠟膏收
斂而愈

黃蠟膏 見 癰瘡

四 彎 風 圖

「四彎風生兩腿凹及兩腳彎致如濕癰」



四灣風

四灣風生腿脚彎每月一發最纏綿形如風癰風邪襲搔破成瘡癢難堪

註

此證生在兩腿彎脚彎每月一發形如風癰屬風邪襲入腠理而成其癢無度搔破津水形如濕癰法宜大麥一升熬湯先薰後洗次搽三妙散滲濕殺蟲其癢即止緩緩取效

三妙散

見腹部
臍癰

風 疽 圖



風疽生兩腿脛骨曲凹之處紅腫皮損

風疽

風疽生脛曲凹中癢搔皮損津汁濃風邪留於血脈內
煩熱昏冒肌腫痛

註

此證生脛骨及曲凹之處癢搔皮損津黃汁極其
黏濃由風邪留於血脈相搏而成因其根深故有
疽名甚則身體煩熱昏冒而肌肉透紅更增腫疼
宜服防風湯外抹青竹大豆油即效

防風湯

防風

附子

製

麻黃

蜜炙

白芷

木通

柴胡

當歸

焙

桔梗

甘草

炙

羌活

各五分

共為粗末水一鍾半煎八分澄去滓食後服臨睡

再用一服如欲出汗俟空心頭煎落滓併一服之

後食稀粥生薑食畢被覆卧取汗避風

方歌防風湯療風熱搏留於血脈津汁破附子麻黃芷

木通柴胡歸桔甘羌活

青竹大豆油

青竹筒截三尺長徑一寸半筒內裝黑豆一升以穀糠馬糞二物燒火當竹筒中炙之以磁盃兩頭接取油汁先以清米泔水和鹽熱洗患處拭乾即塗豆油不過三度極效

方歌青竹筒截三尺長徑要寸半黑豆裝穀糠馬糞燒

灸筒風疽搔癢油塗良

足發背圖



足發背生足背左右同

足部

足發背

足發背屬膽胃經七情六淫下注成疔別善惡分順逆
細辨疽癰定死生

註此證一名足跗發凡足背雖行三陽而偏在膽胃
二經居多證由七情內鬱或兼六淫外傷而成經
云三背不宜生瘡惟足背多筋多骨肉少皮薄又
在至陰之下發瘡疽者升發遲慢所以謂為險候

也宜別五善七惡而分順逆發背者大瘡之通名
也須當細辨或疽或癰順逆既分則生死定焉初
宜服仙方活命飲及隔蒜灸之令瘡速潰餘與腫
瘍潰瘍門治同

仙方活命飲

見腫瘍門

隔蒜灸法

見首卷灸法

湧泉疽圖

湧泉疽生足心兩足同



湧泉疽

湧泉疽發在足心腎虛濕滯多屬陰速破潰淺癰可治
黑陷為疽命難存

註

此證生在足心湧泉穴一名足心發又名穿窬天
蛇俗名病穿板屬足少陰由腎經虛損兼濕熱下
注而成若十四日內即潰膿淺為癰猶可調治初
服仙方活命飲外用神燈照法虛甚膿生遲者十
全大補湯潰後兼用桂附地黄丸服之餘治按癰

疽腫瘍潰瘍門若黑陷不疼二十一日之內不潰
膿者為疽屬陰敗之證難救

仙方活命飲

見腫瘍門

神燈照法

見首卷

十全大補湯

見潰瘍門

桂附地黃丸

見面部頰瘍

脫疽圖



脫疽生足指色黑旁有紅暈十指同

脫疽

脫疽多生足指間黃皰如粟黑爛延腎竭血枯五敗證
割切仍黑定歸泉

註此證多生足指之間手指生者間或有之蓋手足

十指乃藏府枝幹未發疽之先煩躁發熱頗類消
渴日久始發此患初生如粟黃皰一點皮色紫暗
猶如煮熟紅棗黑氣侵漫腐爛延開五指相傳甚
則攻於脚面痛如湯潑火燃其臭氣雖異香難解

由膏粱藥酒及房術丹石熱藥以致陽精煽惑淫
火猖狂蘊蓄於藏府消燂陰液而成斯時血死心
敗皮死肺敗筋死肝敗肉死脾敗骨死腎敗此五
敗證雖遇靈丹亦難獲效初起宜服解毒濟生湯
外用大麥米煮飯拌芙蓉葉菊花葉各五錢貼之
止痛消之不應者必施割法須患者情愿將死生
付於度外遵古法毒在肉則割毒在骨則切然割
切之法須宜早施乘其未及延散時用頭髮十餘

根緊纏患指本節盡處透紮十餘轉毋令毒氣攻
延好肉隨用蟾酥餅放於初起黃疱頂上加艾灸
之至肉枯瘡死為度次日病指盡黑方用利刀尋
至本節縫中將患指徐順取下血流不止者用如
聖金刀散止之餘腫以離宮錠塗之次日倘有黑
氣未盡單用蟾酥餅研末撒之用陀僧膏蓋貼黑
氣自退患上生膿兼貼生肌玉紅膏及生肌等藥
肌生護骨斂口此為吉兆內宜滋腎水養氣血健

脾安神之劑如陰陽二氣丹清神散金液戊土丹俱可服之若內外始終無變證十中可保三四若割切之後復生黑氣過節侵漫好肉疼痛尤甚者屬逆此證初起不痛者宜雌雄霹靂火灸之其餘滋補燙洗等法俱按癰疽腫瘍潰瘍門按諸書論脫疽單生於足大指而別指生者俱名敦疽此非確論然脫疽偏生於屬陰經之指者居多屢經如此後之學者宜詳審焉可也

解毒濟生湯

當歸

遠志

去心

川芎

花粉

柴胡

黃芩

犀角

鎊

麥冬

去心

知母

黃蘗

茯神

金銀花 各一錢

紅花

牛膝

甘草

生 各五分

水二鍾煎八分入童便一杯食前服

如生手指間去牛膝加升麻

方歌
解毒濟生歸遠芎花粉柴苓犀麥冬知藥茯銀紅

膝草脫疽初起煩熱攻

如聖金刀散

松香

七兩

生白礬

枯白礬

各一兩五錢

共研極細末磁罐收貯臨用時撒於患處

方歌如聖金刀散刃傷血流不止撒之良白礬枯礬松

香等共研為末罐收藏

陰陽二氣丹

天門冬

去心

麥門冬

去心

元參

湯泡去粗皮以
上三味各搗膏

五味子

炒

人中白

生

黃蘗

各一兩

甘草

生

澤瀉

枯白礬

青黛

各三錢

冰片

一錢

各研細末同天門冬等膏加煉蜜少許再搗千餘下軟硬得中丸如梧桐子大硃砂為衣每服六十九童便人乳各一酒鍾空心送下安睡一時

方歌

陰陽二氣丹脫疽腎水枯乾燥熱欺天麥元參甘瀉味中白冰礬藥黛宜

清神散

綠豆粉 一兩

牛黃 三分

甘草節 五錢

冰片 五分

硃砂 三錢

右共為極細末每服一錢淡竹葉燈心煎湯調服
歌方 清神散治脫疽發悶亂心煩調服佳豆粉牛黃甘

草節研加冰片共硃砂

金液戊土丹

茯神

胡黃連

烏梅肉

人中黃

五味子

各一兩

硃砂

雄黃

消石

遠志

去心

石菖蒲

各三錢

牛黃

冰片

各一錢

各研細末共和一處再研千轉於端午七夕或春秋二分冬夏二至吉辰在淨室中先將烏梅肉搗膏和入藥末內加煉蜜少許搗千餘下軟硬得中

為丸每丸重一錢金鉞為衣每服一九人乳童便
各一酒鍾隨病上下化服修和之時服藥之際忌
婦人僧尼孝服雞犬等見之此藥用蠟封固收藏
不洩藥味愈久愈效

方歌

金液戊土茯苓黃硃雄消遠片石菖胡連梅肉中
黃味端治脫疽發背瘡

雌雄霹靂火

雌黃

雄黃

丁香 各二錢

麝香 一分

右為細末用蘄艾茸二錢將藥末搓入艾內作丸
豆大丸安患上灸之母論癢痛以肉焦為度如毒
已經走散就紅暈盡處排炷灸之痛則至癢癢則
至痛以瘡紅活為妙

方歌

霹靂火治陰疽方脫疽不疼灸更強雌黃丁麝雄
黃末蘄艾茸搓藥末良

蟾酥餅

即蟾酥丸作餅見疔瘡門

離宮錠

見腫瘍門

陀僧膏

生肌玉紅膏

俱見潰瘍門

敦疽圖



敦疽生足指色紅十指同

敦疽

敦疽多生足指疼腫色紅活血膿血燥精竭無敗色
膏梁房勞脾腎經

註此證多生於足指而手指亦間有生者由膏梁太

過則損脾房勞太過則傷腎脾既損則血生少腎
既傷則精必竭更兼濕熱壅盛而成初起黃粟小
炮痛如湯潑火燃其色紅活腫無黑暈潰破有膿
腐無敗色此屬血脈未死之候然此證雖無敗色

亦由臟腑發出未可視為小毒也法宜急服滋陰
救燥補血理脾之藥初服解毒濟生湯六味地黃
湯潰服人參養榮湯桂附地黃湯外初宜蝌蚪拔
毒散塗之將潰貼蟾酥餅兼貼巴膏潰腐之後換
搽生肌玉紅膏生肌斂口初終禁用灸法患者宜
清心寡慾調理庶免變證

解毒濟生湯

見脫疽

六味地黃湯

見面部雀斑

桂附地黃湯

見面部
頰瘍

人參養榮湯

巴膏

生肌玉紅膏

俱見潰
瘍門

蝌蚪拔毒散

見腫
瘍門

蟾酥餅

即蟾酥丸作
餅見瘡門

甲 疽 圖



甲疽生足指甲旁努肉高突色紅十指同

甲疽

甲疽多因剔甲傷甲長侵肉破成瘡努肉高突痛難忍
消瘀化努效非常

註此證因割嵌指甲傷肉或剔甲傷肉或甲長侵肉

穿窄小靴鞋以致甲旁焮腫破爛時津黃水努肉
高突疼痛難忍不能著衣原係好肉受傷宜用鹽
湯燙洗外敷華陀累效散白膏藥蓋貼努肉消盡
即愈

華陀累效散

乳香

硃砂 各一錢

輕粉 五分

橄欖核 三枚
燒存性

黃丹 三分

共研細末香油調敷

方歌
華陀累效敷嵌甲黃丹輕粉乳硃砂橄欖核燒同

碾細香油調濃患處搽

白膏藥

見潰瘍門

足跟疽圖



足跟疽生足掌跟紫腫形如兔咬左右同

足跟疽

足跟疽生脚掌根狀如兔咬紫紅焮陽蹻積熱潰難斂
初宜隔蒜灸勤

註此證生足跟俗名脚掌根由臟腑積熱汗出涉水
遠行傷筋而成初腫紅紫疼痛潰破膿水淋瀝狀
如兔咬經云兔齧狀如赤豆至骨急治遲則害人
蓋謂毒之深惡也屬足太陽膀胱經穴名申脈即
陽蹻脈發源之所又係腎經所過之路瘡口久潰

不合陽蹻氣不能冲發腎氣由此漏洩以致患
者益虛初起宜隔蒜片灸之服仙方活命飲加肉
桂牛膝潰後宜補中益氣湯人參養榮湯桂附地
黃丸隨證滋補治之餘按癰疽潰瘍門海藏云兔
齧久不收斂用鹽湯洗之白朮研末撒之兩日一
易謹戒一切勞碌即效

隔蒜灸法

見首卷
灸法

仙方活命飲

見腫
瘍門

補中益氣湯

人參養榮湯

俱見潰瘍門

桂附地黃丸

見面部
頰瘍

厲

癰

圖



厲癰生足跗兩旁小如棗象左右同

四

淫

圖



四淫生足跗之前上下具大如癰左右同

厲癰 四淫

厲癰勢小足旁生四淫在足上下凝三陰虧損為疽重
三陽濕熱發癰輕

註

靈樞云發於足上下名曰四淫其狀大癰急治之
百日死發於足旁名曰厲癰其狀不大急治之去
其黑者不消輒益不治百日死此二證俱由足三
陰經虧損為疽者重若兼足三陽經濕熱下注而
成癰者輕若紅腫疼痛潰破有膿腐脫無黑氣浸

漫屬濕熱偏盛順證易治若微紅微腫潰出膿水
屬陰氣凝結不能化膿險證難治若黑暗漫腫痛
不潰膿煩熱作渴小水淋漓為陰敗惡證屬逆四
淫無邊沿屬癰類敦疽初俱宜仙方活命飲外宜
隔蒜灸以宣壅毒將潰宜服人參養榮湯兼六味
地黃丸以滋補之若色黯不痛即用桑柴烘法以
行壅滯助陽氣更宜十全大補湯兼桂附地黃丸
壯脾滋水治之或可成功若妄用苦寒剋伐之藥

多致不救外治法同敦疽

仙方活命飲

見腫瘍門

隔蒜灸法

見首卷灸法

人參養榮湯

十全大補湯

俱見潰瘍門

六味地黄丸

見面部雀斑

桑柴烘法

見首卷

桂附地黄丸

見面部頰瘍

臭田螺圖



臭田螺生脚丫起白蛇大如栗粒左右同

臭田螺

臭田螺瘡最纏綿脚丫搔癢起白斑搓破皮爛腥水臭
治宜清熱滲濕痊

註

此證由胃經濕熱下注而生脚丫破爛其患甚小
其癢搓之不能解必搓至皮爛津腥臭水覺疼時
其癢方止次日仍癢經年不愈極其纏綿法宜甘
草薏苡仁煎湯洗之嚼細茶葉塗之乾則黃連膏
潤之破爛甚者宜用鷓鴣掌皮煨存性研末香油調

敷甚效

黃連膏

見鼻部
鼻瘡

牛程躔圖



牛程躔生脚底板起硬埂色黃不能着地左右同

牛程躩

牛程躩因奔走急脚熱着水寒風襲氣滯血凝起硬埂
法宜鴿糞滾湯漬

註此證生於足跟及足掌皮內頑硬腫起高埂色黃

疼痛不能行履由脚熱着冷水或遇寒風襲於血
脈令氣滯血凝而成法宜用盆一箇內安新磚磚
上安鴿糞糞上合罩簍以脚踏罩簍上次以滾水
從旁冲入蒸之浸漬之冷則易之或用新磚燒紅

韭菜汁潑之將病足踏於其上燙之早治或有消
者久則破裂膿水津流每日米泔水淨洗搽牛角
散四圍頑皮浮起剪之換搽生肌玉紅膏月白珍
珠散生肌斂口自愈

牛角散

松香

輕粉

水龍骨

即舊船底
油石灰

牛角尖

燒灰

共為末牛骨髓調搽

方歌
牛角散治牛程躑久破膿水流不痊松香輕粉水

龍骨牛角燒灰須用尖

生肌玉紅膏

月白珍珠散

俱見潰瘍門

土 栗 圖

土栗生足跟旁初如棗栗色黃腫如琉璃左右同



土栗

土栗生在足跟旁腫若琉璃亮色黃行路崎嶇傷筋骨
急服仙方合五香

註此證又名琉璃疽生在足跟之旁形如棗栗亮而
色黃腫若琉璃由行崎嶇之路勞傷筋骨血脈而
成急服五香湯及仙方活命飲宣通壅滯膿熟鍼
之膿少而多水者以陀僧膏貼之餘按癰疽潰瘍
治法

五香湯

乳香

藿香

丁香

沉香

青木香

各三錢半

水二鍾煎八分服之

方歌

五香湯善治土栗行路勞傷血脈積乳藿丁沉青

木香煎服舒壅功效極

仙方活命飲

見腫瘍門

佗僧膏

見漬
瘍門

冷 疔 圖

冷疔生足跟底形如棗栗起紫白胞左右同



冷疔

冷疔濕寒足跟生疼痛徹骨紫皰形黑爛深孔流血水
氣穢神燈照法靈

註此證生在足跟由濕寒凝結而成形如棗栗起紫
白皰疼痛徹骨漸生黑氣腐爛孔深時流血水氣
穢經久不斂者宜神燈照法照之鐵粉散敷之初
服內補十宣散次按潰瘍治同

鐵粉散

生鐵粉

即鐵砂如無用黑鉛四兩鐵杓化開傾水中冷定取出再化再傾以鉛化盡為度去水取

末三錢

黃丹

飛

輕粉

松香

各一錢

麝香

一分

各研細末共和一處再研勻將患處以葱湯洗去血水腐臭香油調藥搽於患上油紙蓋之紉之

方歌鐵粉散醫足冷疔能蝕黑腐肌肉生黃丹輕粉松

香麝香油調搽紙蓋靈

神燈照法

見首卷

內補十宣散

見胸部
瘕癥癰

脚氣瘡圖



脚氣瘡生膝之下足之上腿脰胖腫出黃水結黃痂左右同

脚氣瘡

脚氣瘡在足膝生濕熱相搏風氣乘壯熱疼痛津黃水
心神煩躁犀角靈

註

此證生於足膝由濕熱內搏滯於膚腠外為風乘
不得宣通故令脚膝生瘡癢痛作腫破津黃水形
類黃水瘡惟身體壯熱心神煩躁經久難瘥宜服
犀角散外以漏蘆湯洗之兼敷龍骨散甚效

犀角散

犀角屑

天麻

黃耆

枳殼

麩炒

白鮮皮

黃芩

防風

羌活

白蒺藜

各七錢五分

檳榔

一兩

烏梢蛇

二兩酒浸

甘草

五錢灸

右研粗末每服八錢水一鍾半生薑五片煎一鍾

去渣不拘時溫服

歌方犀角散醫脚氣瘡天麻耆朮白鮮榔烏蛇苓草風

羌活蒺藜粗末引加薑

漏蘆湯

漏蘆

甘草

主

槐白皮

五加皮

白欬

各一兩五錢

白蒺藜

四兩

共為粗末每用五兩水八盞煎五盞去渣淋洗

歌方

漏蘆湯甘槐白皮五加白欬白蒺藜脚氣瘡疼瘡

津水熬湯洗患散濕急

龍骨散

白龍骨

研

輕粉 各二錢五分

檳榔

一錢
研

豬糞

新瓦上焙乾再入火中燒
之存性取出研末五錢

共研勻先以口含蘞水或溫鹽湯洗令瘡淨見肉
却用香油調藥隨瘡大小敷之未愈再敷

方歌
龍骨散能去濕腐脚氣瘡敷自然無輕榔豬糞香

油入久遠惡瘡用亦除

田螺炮圖



田螺炮生足掌起如豆粒黃炮左右同

田螺皰

田螺皰在足掌生裏濕外寒蒸鬱成豆粒黃皰悶脹硬
破津臭水腫爛疼

註此證多生足掌而手掌罕見由脾經濕熱下注外

寒閉塞或因熱體涉水濕冷之氣蒸鬱而成初生
形如豆粒黃皰悶脹硬疼不能着地連生數皰皮
厚難於自破傳度三五成片濕爛甚則足跗俱腫
寒熱往來法宜苦參菖蒲野艾熬湯熱洗次用線

鍼將炮挑破放出臭水加味太乙膏貼之又將炮皮剪去宜用石膏輕粉等分研末撒之仍以加味太乙膏蓋貼內服解毒瀉脾湯更有經年不愈者係下部濕寒以金匱腎氣丸常服甚效

解毒瀉脾湯

石膏

煨

牛蒡子

炒研

防風

黃芩

蒼朮

炒

甘草

生

木通

山梔

各一錢
生研

水二鍾燈心二十根煎八分服之

方歌
解毒瀉脾芩芩子風膏蒼朮草通梔田螺炮起宜

煎服清熱疎風又去濕

加味太乙膏

見潰瘍門

金匱腎氣丸

即桂附地黄丸加車前子
牛膝各一兩見面部頰傷

肉刺

肉刺證由纏脚生或著窄鞋遠路行步履艱難疼痛甚
玉簪根搗貼塗靈


註

此證生在脚指形如雞眼故俗名雞眼根陷肉裏
頂起硬凸疼痛步履不得或因纏脚或著窄鞋遠
行皆可生之法宜貼加味太乙膏滋潤之或用紫
玉簪花根搗爛貼塗以油紙蓋之又地骨皮紅花
等分研細香油調敷俱效

加味太乙膏

見潰瘍門

御纂醫宗金鑑卷七十一



總校官庶吉士臣張能照
校對官檢討臣盧應
騰錄監生臣徐松
繪圖監生臣寶光國